



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

27. Junii. Compendiosissima, & ferè sola ad sanctitatem via est, abhorrere
ab omnibus, quæ mundus amat, & amplectitur. S. Ignat. in Exam. c. 4.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

tes? cuius nec amor perire, nec ipse potest. Nequit leviter voluntatem mutare, nec mutari. Nulla subit illum amantes amandi pœnitentia.

Alius amor semper inconstans est; potest enim amatus vel invitus cessare ab amore tui; potest ipse perire, licet amor in vivente periturus non fuisset. Felicitas non est, quæ perpetua non est.

Pacta dissolvi alia possunt, quoniam eadem voluntate, quâ fiunt, rescindi possunt; in amoris autem contractu, cum eadem voluntas materia sit contractus, voluntas alienatur, jam non sui Domina, jus pœnitudinis amittit.

27. Junii,

Compendiosissima. Et ferè sola ad sanctitatem via est, abhorre ab omnibus, quæ mundus amat, & amplectitur. S. Ignat. in Exam. c. 4.

Quæ vetus Romani Sapientis querela fuit, eadem hodie est virtutis: malorum causas esse, quod exemplis, non ratione cōponamur. Vivimus, ut passim vivitur.

Non quâ itur, sed quâ eundum sit, attendit, qui tendit ad perfectionem; ille pe-

peritum se nauclerum probat , qui etiam contra torrentem niti novit.

Noli sapere cum vulgo , nec continuo imitandum credas, quod popularis astimatio suaderet , quasi verò vitium non sit quidquid multorum exempla excusant. Æstimanda sunt judicia, non numeranda. Documento aliena vitia sint ad cautelam, non incitamento ad sequelam. Qui malis dissimilis esse veretur, evadit malus. Pauci sunt, immò unus Dei Filius, cuius exempla pro regula morum assumantur.

28. Junii.

*Mensura profectus ex vultu, gestibus, natura
ræ facilitate, aut amore solitudinis male
sumitur, cùm à vi, quam sibi quisque in-
fert, sit desumenda. S. Ignat. ap. Maff.*

Ignava sanctitas est , quæ laudem captat ex iis, quæ plūs stupor quidam natura, quam virtus operatur. Nisi tu etiam lignum sanctum esse dicas , quod nec ictus unquam, nec libidine commovetur.

An, & quam actio quævis laudem meratur, illud sit argumento, quantum sibi quisq; operans vim, quámq; è sincero mo-
tivo inferat. Arduitas hic pretium facit.

Quo